

14  
Pedru, chi tenet bella sa mussere,  
suffrit de una brutta maladia,  
isfogat onsi die a piaghene  
4 cudda cronica sua gelosia.

Apenas torrat dae sa cumpagna  
cominzat s'attu primu e s'iacenada,  
a boghe alta, offendet sa cumpagna  
8 pro l'intender'in totta sa contrada.

E issa narat unil'e gentile  
prit'onzi die pesas'abbolettu,  
prite mi trattas che anima vile  
12 naram'ite difettos m'has connottu.

E issu indignadu totalmente  
ca est dae sos nelvicos iscossu;  
nendeli traitora che serpente  
16 camente trighe li brincat a dossu.

L'iscudet la maltrattat e l'offendet  
cun paraulas de onsi zenia,  
ca de cant'est afflittu no cumprendet  
20 chi perdet gai amor'e simpattia.

Issa rezzit sos colpos poverina  
pianghende che una criatura,  
pro no fagher'iscandulos mischina  
24 ppreferit d'esses posta in sepultura.

Ma s'iscandalu est inreparabile  
ca paret forsennadu su maridu,  
sa maladia sua est incurabile  
28 ca l'hat leadu fina su sentidu.

Gas'una die a sa conclusione  
d'un'ennesima lite iscadenada,  
pro no fagher pius discussione  
32 a domo de sa mama ch'est torrada.

Pianghende sa sua sorte mala,  
cun sa mama si solit abbrassare,  
e Pedru, pianghende a s'ater'ala,  
36 istat sempre preghendel'a torrare.

E torrat, a su nidu abandonadu  
ca su viver lontana, l'addolorat,  
e agattat a Pedru cambiadu,  
40 como l'amat, l'istinat e l'adorat .

*Brucato*